



SAKSFRAMLEGG

Kulturskoleutvalget sin rapport Kulturskole for alle - Høringsuttale

Utval sak	Utval	Møtedato
4/11	Utval for Oppvekst og omsorg	08.02.2011

Vedlegg:

http://www.musikerorg.no/_img/kulturskoleutvalget_07.09.2010.pdf

Saksopplysningar:

I Kulturløftet II, som er regjeringa sine felles prioriteringar for norsk politikk, heiter det m.a.

2. Kulturskole for alle barn som ønsker det

Det skal gjennomføres et kulturskoleløft slik at alle barn som ønsker det får et kulturskoletilbud av god kvalitet til en rimelig pris. Dette skal sikres ved statlige stimuleringsmidler og en solid kommuneøkonomi. Utvikling av et mer omfattende kulturskoletilbud i tilknytning til SFO/skole skal utredes. Det skal være rom for ulik lokal organisering av kulturskolen. Det skal legges til rette for synliggjøring av kulturskolen og for talentutvikling.

Det vart i statsbudsjettet for 2010 satt av 40 mill. i stimuleringsmidlar i samband med kulturskoleutvikling. Det vart hausten 2009 også nedsett eit utval som skulle utrede " utvikling av et mer omfattende kulturskoletilbud i tilknytning til SFO/skole ".

Fitjar kommune meiner at rapporten i utgangspunktet er god, den har interessante oppsummeringar, analyser og forslag, og den vil forhåpentlegvis bli ein viktig reiskap for vidare utvikling av kulturskulane. Fitjar kommune støtter utvalet sine forslag slik dei går fram av punkta nedanfor.

Stimuleringsmidlar.

Det er også svært positivt at regjeringa sette av 40 mill. både i 2010 og i budsjettet for 2011 til kulturskoleutvikling, sjølv om det må påpeikast at dette ikkje er tilstrekkeleg for å oppnå ei utvikling i kulturskulene slik det vert beskrive i Kulturløftet II. Det er difor eit håp, slik utvalet skriv i pkt. 8.3, at summen vert auka dei komande åra. Det er også eit ynskje om at det i tillegg til prosjektmidlar som det kan søkast på også vert avsett midlar til en fordeling ut frå ein fordelingsnøkkel, som kan gå til generell styrking, reduksjon av ventelister og reduksjon av pris. (jfr. til pkt 8.3, 1.5.6 , 1.5.7, 7.4)

Kunstfagenes stilling i skolen.

Utvalet peikar på at kunstfaga sin relative tilbakegang i grunnopplæringa og i lærarutdanninga for grunnskulen er svært uheldig. Ein ynskjer å gje høve til å velje kunstfag i ungdomsskulen, og ein ynskjer å innføre kompetansekrav for å undervise i kunstfag. Sjølv om dette i hovudsak handlar om grunnskulen vil det være viktige tiltak også med tanke på kulturskuleutvikling. (jfr. kap. 1.5.1, 2.3 og 3.2

Styrkingstiltak ut over 1.-4.klasse alder.

Utvalet peikar på at stimulering og utvikling av kulturskulen må ha eit større perspektiv enn berre 1.-4.klasse, sjølv om mandatet legg størst vekt på det. Det er svært viktig for samspelet mellom talentutvikling og breiddesatsing. (jfr. kap 1.5.2, og 2.6)

Høve til varierte samarbeidstiltak.

Utvalet konkluderer med at det er mange og varierte høve for samarbeidstiltak. Det er viktig at det finnes lokale tilpassingar. Det vert også rådd til endringar i Opplæringsloven som gjer det lettare å få til modellar der kulturskuleelevar kan takast ut av ordinær grunnskuleundervisning. (jfr. kap. 1.5.3,)

Kompetanse.

Kulturskulelærarar sin kompetanse er avgjerande for å skape god kvalitet. Det må sikrast både gjennom utdanningssystemet, og ved å leggje til rette for gode stillingar lokalt, bl.a. kombinerte stillingar (jfr. kap. 1.5.5)

Forskrift.

Utvalet foreslår i rapporten at det vert laga ei forskrift for kulturskulen, knytt til § 13-6 i Opplæringslova. Som vedlegg til rapporten ligg eit forslag til forskrift som ville kunne bli ei fin reiskap for utvikling. Den gjer ein del rammer for verksemda, samstundes som den gjer rom for lokale tilpassingar. (jfr. kap. 1.5.8 , 7.4,).

Kunstens eigenverdi. .

I kap. 3 i rapporten vert kunst og kultur sin verdi og rolle i grunnutdanninga drøfta. Det er verdt å merke seg utvalet si vektlegging av kunsten sin eigenverdi (kap 3.1 og 3.4).

Kulturskolen som kommunalt ressurscenter og kjerneverksemda.

Utvalet behandlar kulturskulen som ressurscenter i kap 3.6, og poengterar at i mange kommunar har kulturskulen blitt den sentrale institusjonen for å byggja opp kunst- og kulturkompetanse. Samstundes seier utvalet at kulturskulen si kjerneverksemd må ha ei sentral rolle i den framtidige kulturskuleutviklinga (kap. 6.1).

Talent.

Kulturskulane har i alle år hatt breiddetilbod som hovudmålsetjing, ein har ynskt å gje eit tilpassa tilbod til flest mogeleg. Men det har de siste åra blitt auka fokus på talent, og naudsynte i å gje høve for talentfulle elevar til vidare utvikling. (kap 6.1.)

Konkret vil Fitjar kommune framheva desse punkta:

- Utvalet foreslår ei føresegn til loven (vedlegg A i rapporten) der det m.a. blir fastsett ein maksimalpris på kr 2000.- Ein føresetnad for dette er at det vert gitt

statlege midlar til ei fordeling som i tillegg til å gå til generell styrking, reduksjon av ventelister og må kompensera for reduksjon i pris.

- Utvikling av feltet må ikkje berre gjelde småskulealder, men gjelde heile barne- og ungdomsperioden.
- Det må lagast smidige ordningar som gjer kulturskuleundervisning i ordinær skuletid enklare.
- Det må leggast betre til rette for kombinerte stillingar, for å kunne lage store stillingar og med det sikre kompetanse lokalt.
- Det blir føreslått ei todelt tilskotsordning: utviklingsmidlar etter søknad, og stimuleringsmidlar til alle etter ein fordelingsnøkkel, for å nå målsetjinga om minst 30% av grunnskuleelevane i kulturskulen. Ei ordning med utviklingsmidlar kan vera positivt for nytenking og utviklingsarbeid, men forsøksordningar har ofte ein tendens til å forsvinne etter forsøksperioden er over. Me meiner difor at ei kvalitetssikra og likeverdig utvikling av kulturskulen ikkje kan basera seg på ei ordning med utviklingsmidlar.
- Dokumentasjon og forskning må vektleggast.
- Rapporten skapar forventning om eit auka nasjonalt fokus slik at kommunane får naudsynt støtte til å utvikle kulturskulen vidare.
- Det må utarbeidast nasjonale forskrifter for kulturskulen.

Framlegg til vedtak:

Utvalet sluttar seg til høyringsuttalen slik den ligg føre.

Behandling i Utval for Oppvekst og omsorg - 08.02.2011:

Vedtak: (Samrøystes)

Som framlegg.

Atle Tornes
Rådmann